



L'analisi da las expensas dat ina survista da las expensas tenor categorias.

MAD

Nov assistent da finanzas BCG

Avair la survista a moda cumadaivla e segira

■ (cp) Cun il nov assistent da finanzas personal profiteschan las clientas ed ils clients da la Banca Chantunala Grischuna (BCG) d'ina survista complessiva da tut las transacziuns e d'ina survista da las expensas ordinada tenor categorias. Questa nova purschida cumpiglia er ina preschentaziun da las entradas ed expensas en il decurs dal temp ed ina simpla planisaziun dal budget.

Cun il nov assistent da finanzas personal porscha la Banca Chantunala Grischuna a sias clientas ed a ses clients in nov servetsch online. Quel analysescha e categorisescha automaticamain tut las transacziuns. Las entradas e las expensas vegnan preschentadas graficamain, uschia ch'ils utilisaders vesan da tut temp quants daners ch'els dattan ora, per tge e cura. Er ils pajaments cun cartas da credit e cartas Maestro da la BCG vegnan mussads. Administrar budgets personals gida d'organisar meglier las finanzas. Il nov assistent da finanzas pon ins utilizar cun l'app GKB Mobile Banking ed en

l'e-banking da la BCG ed el ademplescha ils auts standards da segirezza.

Ina survista da las funcziuns

Analisa da las expensas: la categorisaziun automatica mussa co che las expensas sa repartan sin singuls champs sco abitar, tegnairchasa, temp liber, shopping u mobilitad.

Grazia a marcaziuns personalas pon ins segnar individualmain transacziuns, uschia ch'ins las chatta a moda simpla.

Cun ina visualisaziun dals moviments dal conto survegn ins la survista. Suenter paucs clics ves'ins ils mais e las transacziuns cun las pli bleras expensas.

Planisaziun dal budget: per avair ina meglra controlla dal budget pon ins far differentas categorias sco viadis u tegnairchasa. La funcziun cumpiglia tut ils contos e tut las cartas da credit da la BCG.

L'assistent da finanzas BCG gratuit pon ins activar en l'e-banking sut l'opziun da menu «Finanzassistent». Ulteriuras infurmaziuns, inclusiv film d'explicaziun, chatt'ins sin gkb.ch/finanzassistent